

# **REFERAT MAA - Meeqqanut Atuarfeqarnermullu Ataatsimiititaq d. 16-06-2021**

**Mødedato** Onsdag d. 16. juni 2021 kl. 18:00

**Mødested** Kommunalbestyrelsesip ataatsimiittarfia

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Atuarfeqarfimmi ineriartortitsinissamik suliniutit pillugit ilisimatitsineq.....	6
Ulloq naallugu atuarfik pillugu allaaserisaq nutartikkatut aamma suliffeqarfik pillugu pilersaarutitu	12
Suliffeqarfinni imminut pigisuni siulersuisunut ilaasortamik qinersineq.....	15
Lukket.....	18
Imaqarniliap akuerineqarnera.....	19

## **Punkt .: Saqqaa**

### **Beslutning**

#### **Ataatsimeeqataasut**

Juaaka Lyberth (IA)

Poul Petersen (D)

Mia Skifte (IA)

#### **Oqarasuaatikkut**

Emanuel Nüko (N)

Dorthe-Marie Morgensen-Fontain (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuerineqarput.

## **Punkt .: Nalunaarutit**

### **Beslutning**

Siulittaasumit nalunaarutit ilisimatisinera:

- 2021-mi ataatsimiititap angalanissaa. Island-mut Danmarkimullu angalanissaq ataatsimiitsitaliap akuerivaat, ulluliussallu misissorneqarnissaat aallarnerneqassalluni.

Ingerlatisivimmiit nalunaarut:

- Meeraaqqerivik Ungaavaraq Nunatta nakorsaananerit maannamut matuneqarallarpog, angajoqqaq ataaseq Covid-19-mik tunillatsissimasog meeraaqqerivimmut aqqusaarsimasog paasineqarmat.

# **Punkt 1: Atuarfeqarfimmi ineriartortitsinissamik suliniutit pillugit ilisimatitsineq**

## **Beslutning**

Ilisimatitsissut tusaatissatut tiguneqarpoq, imatut oqaaseqaaseqaatitalerlugu:

Ataatsimiititaliap angalannginnermini Islandimut piareersarnerminni Ingerlatsivimmiit paasissutissiinissaq pisariaqarpoq, suut eqqumaffigineqassanersut, kiisalu immikkut ittumik sammisaqarnermi atuarfeqarfik pillugu ulloq atorneqarsinnaasoq siunnersuutigineqarpoq, kommunalbestyrelsemi qinigaaffiup iluani.



## Atuarfeqarfimmi ineriartortitsinissamik suliniutit pillugit ilisimatitsineq

Ilisimatitsissut

J.nr.: EMN-2021-11750

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Meeqqanut Atuarfeqarnermullu Ingerlatsiviup taamatut ilisimatitsissuteqarnerminni maannakkut ineriartortitsinermut suliniutip ingerlanerata atuarfeqarnermilu suliniutaasinnaasut paasisutissiissutigineqarnissaat anguniarppaa. Suliassaqaarfik kingullermik kommunimut qinersinermut atatillugu qitiutinneqartut inissisimasooq, aamma qinigaaffimmi matumani qitiutinneqartut inissisimasussa, Inuit Ataqaatigiit, Demokraatit aamma Naleqqap 2021-miit 2025-mut Suleqatigiinnissamat isumaqatigiissutaanni politikikkut anguniakkat innersuussutigalugit.

Meeqqat Atuarfeqarnermullu Ataatsimiititami ilaasortat Meeqqanut Atuarfeqarnermullu Ingerlatsivimmi sulisunit suleqatigiinnissamat qilanaarput.

Takussutissiami ataniittumi ineriartortitsinissamat suliniutit pingaarnert saqqummiunneqarnerisa saniatigut, atuarfiit tamarmik immikkut anguniakkanik ineriartortitsinissamullu suliniutinik peqartillugit sulisoqassaaq, taakkunanilu atuarfiup suliffeqarfittut pilersaarutaat, ukiumut pilersaarutaat aamma atuartut sulisullu pisariaqartitsinerannik paasisimasat aallaavigineqassallutik. Atuarfinni ataasiakkaani suliniutaasut takussutissiami ataniittumi ersinngillat.

- *Kommuneqaarfik Sermersuumi atuarfeqarnermut susassaqaarfimmi tamarmi ataatsimut aqutseriaatsimut tunngavissaq*  
Ataatsimut aqutseriaatsimut tunngavissaq Kommuneqaarfik Sermersuumi 2019-imi atulernerqartoq aallaavigalugu, ukioq 2021-mi ingerlatsivimmi aamma atuarfeqarnermut meeqqeriveqarnermullu susassaqaarfimmi aqutsisuni tamani pingaarnertut anguniakkat sisamat suliarineqarput. Matumani siunertaavoq anguniakkat sisamaasut atuarfeqarfimmi aqutsisunut sulisunullu tamanut qitiusumik tunaartarineqassammata kiisalu atuarfeqarfimmi ulluinnarni sulinermi ineriartortitsinermilu ilisarnaatit tikkuussisussaallutik.
- 1) Meeqqat alapernaatsut, tatituut, peqqissut nuannaartullu pilersitseqataaffigerusuppavut
  - 2) Kalaallit Nunaanni meeqqerivinnik atuarfinnillu, tamanut inissaqartitsisunik, pitsaanerpaanik peqarusuppugut
  - 3) Kommuneqaarfik Sermersooq Kalaallit Nunaanni amerlanerpaanik atuartoqarpoq meeqqat atuarfiata kingorna ilinniagaqalersartunik.
  - 4) Sulisut piukkunnaatillit takorluuisinnaasut, akisussaaffiminnik ilisimaarinnittut malinnittullu kissaatigaagut.

Anguniakkat siuarsarniarlugit 2021-mi sap. ak. 16-imi ataatsimut atuarfiit isumasioqatigiisinnearput. Matumani atuarfinni aqutsisut pingaarnertut anguniakkanut sisamaasunut attuumassuteqartunik atuarfimmi suliffertik pillugu takorluukkatik



anguniakkatillu pillugit suliaqartinneqarput. Atuarfinni ataasiakkaani anguniakkat nangeqqinnissaannut atuariit isumasioqatigiissinneqarnerini siunertarineqarpoq.

- *Pisortatut ilinniarnissamut pingaarnersiineq*  
Kommuneqarfik Sermersooq tamakkerlugu aqutseriaatsimut tunngavissamut atatillugu atuarfeqarfimmi aqutsisut pisortatut ilinniarsimangitsut pisortatut ilinniarnissaat pingaarnersiorneqarpoq. Ilinniartitaanermut Aqutsisoqarfiup ingerlariaqqiffiusumik ilinniartitsineranut atatillugu aqutsisuusut tallimat maannakkut pisortatut ilinniagaqarnermik ingerlataqarput.
- *Misiliutitut suliniut - alimasissumit atuartitsineq*  
2021-mi upernaakkut alimasissumit atuartitsineq ilikkarnarnerusumik, tekniskiunerusumik aqqissuussaanagerusumillu ilisimasaqarfigilernissaa anguniarlugu Kommuneqarfik Sermersooq misiliutitut suliniummik aallartitsivoq. Taamaaliortoqarporlu siunissami Kommuneqarfik Sermersuumi meeqqat atuarfianni atuartitsinerup nalinginnaasumik atuartitsinerullu ilaattut peqataasut amerlanerusut atuartissinnaangorniarlugit. Misiliutitut suliniuteqarnermittaaq imminut ungasikkunnaarnissaq anguniarneqarmat atuartullu ukioqatiminnik kammalaatitaartornissaat ilaatigut Nuummi atuartut angerlarsimaffianni najugaqalissagaluarunik attaveqarfigilersinnaasaminnik.

Misiliutitut suliniuteqarnermi nunaqarfinni Arsummi, Kapisilinni aamma Qeqertarsuatsiaani 4. klassimiit 7. klassimut tuluttoortarneq matematikkilu pineqassapput.

Misiliutitut suliniuteqarneq suliniummut Kivitsisamut attuumassuteqartutut isigineqassaaq – tassa Nunatsinni meeqqat atuarfiannik nuna tamakkerlugu siuarsaanissamik meeqqat atuarfianni atuartut ilikkalertornissaat digitali iluaqutigalugu pitsanngorsaanissamik siunertaqartoq. Taamaaliortoqassaaq suleqatigiinneq aqutigalugu, atuartunik peqataatitsilluni ilikkagaqartitsinissamut periutsit nutaat atorlugit, atuarfinni tamani internettimut atassuteqaatit pitsaanagerusut aamma atuartut, ilinniartitsisut ilinniartitsisunngorniallu tamaasa iPad-eqartinneqarnerisigut.


- *Kommunimi atuartut angerlarsimaffii marluk pillugit immikkoortumut pilersaarut*  
Kommunimi atuartut angerlarsimaffiini marlunni aqutsisuusut suleqatigalugit Nuummi Tasiilamilu atuartut angerlarsimaffii marluusut pillugit immikkoortumut pilersaarutissatut siunnersuut ingerlatsivimmit suliarineqarpoq. Immikkoortumut pilersaarut 2021-mi agguksip qaammataani politikkikkut oqaluuserisassanngortinneqassasoq naatsorsuutigineqarpoq, taannalu pingaarnertut ukkatarisassanik sisamanik kiisalu atuartut angerlarsimaffiisa qanoq pitsanngorsarneqarnissaannut sukumiisumik suliniuteqartoqarnissaanik 21-nik imaqarluni. Matumani ilaatigut atuartut angerlarsimaffiini marluusuni najoruminarnerunissaat qulakkeerniarlugit kiisalu suliatigut angusassaat aamma meeqqat atuarfiata naammassereernerata kingorna ilinniagaqalernissamut suliffeqalernissamulluunniit periarfissagissaarnerunissaq qulakkeerniarlugit.

- Atuartunut suliatigut nukittuunut neqeroorutit nalilersorneqarneri**  
 Kommunimi atuarfinni angisuuni pioreersuni atuartunut suliatigut nukittuunut neqeroorutaasut sumiissusersiorniarlugit ingerlatsivimmit suliarineqarput. Sumiissusersiuneq tunngavigalugu atuarfiit suleqatigalugit itisilikkamik misissuineq neqeroorutinillu nalilersuineq ingerlatsivimmit suliarineqassaaq. Matumani neqeroorut sorleq imaluunniit neqeroorutit sorliit pissusissamisoorumik atulersinneqarsinnaanersut nalilerniarlugit aamma kommune tamakkerlugu atuarfinni anginerusuni atuartut suliatigut nukittuut assigiinnerusumik periuseqarfiginissaat neqeroorfigiumallugit.
- Atuarfinni inuussutissarsiuteqartunik suleqateqarneq**  
 Suliniut Qaqisa ukioq atuarfiusumi 2019/20-mi kommunimi atuarfimmi angisuumi ataatsimi misilinneqarpoq, taannalu ukiumi atuarfiusumi 2020/21-mi atuarfinni tamani atulersinneqartussanngorluni. Suliniummi siunertarineqarpoq meeqqat atuarfianni atuartut angajullit pikkoriffigisaat aallaavigalugit ilinniakkamik toqqaanissaannut kajumissaarinissaq. Suliniut CSR Greenlandimut ilaavoq. CSR-imik aamma Sulisitsisunik suleqateqarnerup saniatigut meeqqat atuarfianni suliniutit sukumiisut pillugit Centerforeningenimik aamma Nunatsinni niuertarfiit peqatigiiffianik suleqatigiinnissamut ataatsimiinnerit aallartisarneqarput. Suliniutaasut atorlugit inuusuttut sulinermik paasisaqarfeqarnissaat ilisimanninnerunissaallu anguniarneqassaaq inunnillu attaveqarfigilersinnaasaannik pilersitsiviussalluni.
- Atuarfiit ullutsinnut naleqquttut**  
 Kommuneqarfik Sermersuumi meeqqat atuarfiini ilikkagaqarnissamut atugarissaarnerunissamullu atuarfiit illutaasa pitsaanerpaalernissaat qulakkeerniarlugu anguniagaqarfiusumik sulisoqarpoq. Paamiuni atuarfik Tuiisaaq annertuumik nutarterlugu 2020-p ingerlanerani aallartinneqarpoq. 2021-mi aasakkut Kapisilinni atuarfiup nutarterneqarnissaa aallartinneqassaaq.

2023-mi Nuup illoqarfiata qeqqani atuarfissuaq nutaaq naammassineqarsimalissaaq. Nuummi atuartut amerliartortut atuarfimmi inissaqartinneqassapput Atuarfillu Ukaliusaaq (USK) aamma Atuarfik Samuel Kleinschmidt (ASK) taarsissallugit.

Atuarfimmi nutaami atuartitsinermi teknologiip atorineqarnissaanut ilikkarnissamullu periutsit nutaat atorineqarsinnaalissapput. Matumanittaaq atuartut ataasiakkaat pisariaqartitaat ilikkarusussuseqarnerallu aallaavigalugu atuartitseriaatsimik pilersitsinissaq atuarfimmi politikkip imarisaatut anguniakkanut attuumassuteqartutut isigineqassaaq". Atuarfik nutaaq atulernat atuartut eqinnaatsut ilikkariartormilum peqataasut pingaartitalugit ilikkagaqarnissamut najoqqutassaliortoqassaaq.

Nuummi atuarfik nutaaq atuartunik 1.200-nik inissaqartitsisuusussaagaluartoq ullup atuarfiusup tamaat ingerlanerani atuartumut toqqissisimanartuunissaa naleqquttuunissaalu anguniarneqarput. Taamaammat atuartut ataasiakkaat eqqarsaatigalugit ikinnerusunut toqqissisimanartumik ataatsimoorfeqarnissaa pingaartinneqarpoq. Atuarfiup



aaqqissuunneqarnera eqqarsaatigalugu atuartut tamarmik "namminerisamik" atuarfittut isigisinnaaniassammassuk alloriarfiit tamarmik immikkoortinneqartassapput.

Atuartut immikkut pisariaqartitsisut ilikkalertornissaat atugarissaarnissaallu kommunimit isumagineqarsinnaaniassammatt atuarfimmi nutaami immikkut atuartitsinerup immikkoortua pitsaanerusunik najoqqutassaqaartinneqassaaq. Immikkut atuartitat immikkut pisariaqartitaat pingaartinneqarsinnaasariaqarput, taamaakkaluartorli peqataatinneqarnissaat atuaqatimilu sinnerisa peqatigisarnissaat pingaartinneqarluni.

Maannakkut atuarfinni marluusuni sulisut atuartullu kattutsinneqarnissaannut piareersarnerit Meeqqanut Atuarfeqarnermullu Ingerlatsivimmit suliaralugit ingerlanneqarput.

- *Meeqqat atuarfianni peqqissutsimik siuarsaaneq*

Meeqqat tatituut, peqqissut nuannaartullu ilaatigut anguniarneqarneranni atuarfinni peqqissutsimik siuarsaasoqarnissaa ingerlatsivimmit sulissutigineqarpoq atuartitsinermilu aalanerunissaq anguniarneqarluni, ilaatigut timi atorlugu aalaneq, sammisaqarneq peqqinnartumillu inooriaaseqarneq pingaartitarineqassallutik. Taamaaliortoqassaarluni atuarnep atuartitsinerullu nalaani, aammali atuareernerup kingorna ornittakkani sunngiffimmilu ornittakkani. Tamakku anguniarnissaannut ikorfartuutitut atuarfinni sulisut peqqissutsip siuarsarneqarnissaanut pikkorissarnissamut atuartitsinissamullu neqeroorfigineqarsinnaapput.

*Nunarsuarmioqatigiinnut anguniakkat:*

Piujartitsinermik ineriartornissamut anguniagassat piviusunngortinniarlugit tamakkununga tunngasunik Meeqqanut Atuarfeqarnermullu Ingerlatsivik suliaqarpoq. Siuliini suliniutissatut erseqqissaatigineqartut tunngavigalugit Kommuneqarfik Sermersuumi meeqqat inuusuttullu nivarsiaaraanertik nukappiaraanertik, immikkut inuiaassusertik, timikkut eqqarsartaatsikkulluunniit innarluuteqarnertik, inuuniarnertik sumiluunniit najugaqarnertik apeqqutaatinnagu meeqqat atuarfiannik naammassinninnissaannut qulakkeerinneqataassapput.

Taamaaliortoqassaarluni illoqarfinni nunaqarfinnilu suliaticigut pitsaalluinnartumik, ataatsimuussusermik kiisalu meeqqat atuarfiinik atuartitsinermilu ininik mutiusunik ullutsinnullu naleqquttunik peqarluni atuartitsinermi atuarfimmilu peqataatitsilluarnikkut. Taamaaliortoqassallunilu kommunimi meeqqat inuusuttullu amerlanerit meeqqat atuarfiannik naammassinnereerlutik ilinniakkamik imaluunniit suliffimmik aallartitsinissaat qulakkeerniarlugu. Tamatuma peqatigisaanik meeqqat atuarfiat aqqutigalugu pinngortitap kulturikkullu kingornussat immikkuullarilluinnartut eriagalugit piginnarnissaannut qulakkeerinneqataassaaq.

Aammattaaq ingerlatsivik kommunip iluani avataanilu pisortani oqartussaqaqarfinnik kiisalu namminersortunik suliffeqarfinnillu aamma innuttaasunik kattuffinnillu suleqatissarsiorlunilu angusaqarfiulluurtussamik suleqatigiinnissamik ujartuissaaq.

**Ingerlatsivimmit aningaasatigut sulisoqarnikkullu naliliinerit**  
Pingaaruteqanngilaq

**Suliffeqarfirmut Kiffartuussivimmit aningaasatigut naliliineq**  
Pingaaruteqanngilaq.



## **Inatsisitigut tunngavissaq allakkallu tunngaviusumik uppersaatitalit**

Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

### **Ilanngussaq**

Soqanngilaq.

## **Punkt 2: Ulloq naallugu atuarfik pillugu allaaserisaq nutartikkatut aamma suliffeqarfik pillugu pilersaarutitut ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Nummi ulloq naallugu atuarfik - Saqqummiussaq 2021



## **Ulloq naallugu atuarfik pillugu allaaserisaq nutartikkatut aamma suliffeqarfik pillugu pilersaarutitut ilisimatitsissut**

Ilisimatitsissut

Suliap ilisarnaataa: EMN-2021-11673

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersumi § 6, imm. 8 naapertorlugu meeqqat atuarfianni atuartut immikkut atuartinneqarnissamat allatigullu perorsaanertalimmik pisariaqartitsisut, atuarfinnut immikkut ittumik pilersinneqartuni imaluunniit atuarfimmi immikkoortortani atuartinneqartarnissaannut innersuunneqarsinnaapput.

Kommuneqarfik Sermersuumi ulloq naallugu atuarfik immikkoortortaavoq isumaginninnikkut perorsaanertaqartoq ulluinnarnilu ingerlanneqarnera sumiinneralu tassa Nuussuup Atuarfianiilluni. Neqeroorfigineqartarput Nuup illoqarfiani atuarfinni tamani meeqqat arfineq-marluk 14-illu akornanni ukiullit nalinginnaasumik eqqarsartaaseqartut immikkulli pisariaqartitsisut. Ulloq naallugu atuarfimmi atuartut tamarmiullutik ilinniartitsinermik ersarissumik aaqqissuulluakkamillu pisariaqartitsipput, ilaatigut atuartut ataasiakkaat inuttut atuarnikkullu ineriartornissaanik pingaartitsisoqarluni - kiisalu inooqataanerulernissaat inuillu ataatsimoortut akornanniinnerullutik peqataasarnissaat ukkatarineqassalluni. Ulloq naallugu atuarfimmi atuartut killiffiat aallaavigalugu pineqartarput, taavalu isuma una pigineqarluni meeqqat iluarusuttut taakkuummata ilikkagaqarnissamat aamma inuttut, inooqataasutut suliatigullu ineriartornissamat tunngavissaqarluarnerusartut.

2006-imi ulloq naallugu atuarfik pilersinneqarmat najoqqutarisat taama ittut malillugit ingerlatsisoqarpoq. Maannakkut ilisimatitsissuteqarnitsinnut pissutaasoq tassaavoq, taamatut najoqqutarisaqarneq qimakkiaartuaarneqartutut immat, taavalu Nuussuup Atuarfiani immikkut atuartitsinermi nalinginnaasutut atorineqaleralluttuinnarluni.

Ulloq naallugu atuarfiup saqqummiussatut ilanngussami nassuiaatigineqartutut aallarteqqinnissaa pilersaarutaavoq, ilaatigut atuartut nalinginnaasumik atuartitsinermi ingerlaniarnerminnik ajornakusoortitsisut immikkulli pisariaqartitsisut matumani pineqarlutik.

Atuarfeqarnermut Ingerlatsivik/MISI aamma atuarfimmi ilinniartitsisut siunnersortaasutut innersuussaqaqtut kiisalu ulloq naallugu atuarfik suleqatigalugit atuartut ulloq naallugu atuarfimmuut innersuunneqartassapput. Ulloq naallugu atuarfimmuut innersuussisarnermi ilaatigut siunertaavoq atuartut ataasiakkaat inuusuttunngornermi inersimasunngornermilu peqqinnartumik inuuneqalernissaq anguniarlugu suliatigut siuarsarneqarnissaat tunngaviusumillu piginnaasaasa siuarsarneqarnissaat. Taamaaliortoqassaarlun assersuutigalugu atuartoq suliatigut kajumissaarlugu, inuttut ineriartorniassamat imminullu tatiginiassamat ikorfartorlugu kiisalu atuartup akisussaaffimmik tiguisinnaalernissaa pissusissamisoortumillu aaqqiagiinngitsuni aaqqiisarnissaa. Tamatuma peqatigisaanik atuartup angajoqqaavinik suleqateqarneq pingaartinneqarlunnassaaq.

Ulloq naallugu atuarfimmi ilinniartitsisut arfineq-pingasut atorfeqartinneqarput, taakkunanngalu ataaseq atuarfiup immikkoortuani immikkoortortaqaarfimmi aqutsisuuvoq. Tamatuma saniatigut perorsaatut ikinnerpaamik sisamat atorfeqartinneqarput. Ilinniartitsisuusut perorsasuusullu



meeqqat inuuniarnikkut misigissutsitigullu ilungersunartorsiortut immikkut atuartittarnerinik aamma/imaluunniit isumaginninnikkut perorsaanertalimmik suliaqarnermik tamarmik misilittagaqarput.

Ingerlatsivik taamaalilluni ulloq naallugu atuarfik pillugu allaaserisamik nutartikkamik kiisalu suliffeqarfik pillugu pilersaarummik saqqummiussinissamut suliaqaqqammerpoq. Saqqummiussap siunertaa tassaavoq ulloq naallugu atuarfimmi sulinermut, atorneranut atuunneranullu tunaartatut tunngaviliinissaa. Saqqummiussassaq ilisimatitsissutigalugu ilanngussatut kakkiunneqarpoq.

### **Ingerlatsivimmit aningaasatigut sulisoqarnikkullu naliliinerit**

Pingaaruteqanngilaq

### **Suliffeqarfimmut Kiffartuussivimmit aningaasatigut naliliineq**

Pingaaruteqanngilaq

### **Inatsisitigut tunngavissaq allakkallu tunngaviusumik uppersaataatit**

- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Atuarfik pillugu Inatsisartut inatsisissaat nr. 15, 3. december 2012-imeersoq

### **Ilanngussat**

1. Nuummi ulloq naallugu atuarfik - Saqqummiussaq 2021

## **Punkt 3: Suliffeqarfinni imminut pigisuni siulersuisunut ilaasortamik qinersineq**

### **Beslutning**

Inassuteqaat akuersissutigineqarpoq.

### **Bilag**

Meeqquqerivik Estherp malittarisassai BH allannguutissatut siunnersuutitallit.

Meeqquqerivik Estherp malittarisassai BH allannguutissatut siunnersuutitallit.

Mikisumi malittarisassat.

## **Suliffeqarfinni imminut pigisuni siulersuisunut ilaasortamik qinersineq**

Suliffeqarfinni imminut pigisuni pingasuni Sulunnguit, Esther aamma Mikisoq kommunalbestyrelsimit toqqakkamit ilaasortamik qinersineq.

Aalajangiiffigisassaq

Suliap ilisarnaataa: EMN-2021-11858

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Mikisumi siulersuisuni siulersuisunut ilaasortamik ataatsimik innersuussisoqassasoq. Ilaasortaq ukioq ataasiakkaarlugi ilaasortaasarpoq.
- Esthermi siulersuisuni siulersuisunut ilaasortamik ataatsimik innersuussisoqassasoq. Ilaasortaq ukiut marlukkaarlugit ilaasortaasarpoq.
- Sulunnguani siulersuisuni siulersuisunut ilaasortamik ataatsimik innersuussisoqassasoq. Ilaasortaq ukiut marlukkaarlugit ilaasortaasarpoq.
- suliap Aningaasaqarnermut Inuusutissarsiornermullu Ataatsimiititamat kiisalu Kommunalbestyrelsimut akuersissutigisassanngorlugi ingerlateqqinneqassasoq

### **Suliassamik saqqummiussineq**

Nuummi suliffeqarfiit imminut pigisut tamarmik Inatsisartut inatsisaat nr. 16, 3. december 2012-imeersoq aammalu namminneq malittarisassatik naapertorlugit siulersuisunik pilersitsisussaataapput, ilaasortaq ataaseq kommunalbestyrelsimit toqqagaassalluni. Ilaasortaq qinersisartunit qinigaasariaqanngilaq.

Ingerlatsivik nalunaarfigineqarnikuuvoq meeqqueriviit imminut pigisut ulluni ukunani ataatsimeersuassasut:

- Esther, apriliip 28-anni
- Mikisoq, maajip ulluisa aqqarnanni
- Sulunnguit novembarimi

Ingerlatsiviup siulersuisunut ilaasortassatut tunngavilersuutitalerlugit inuit uku innersuussutigai:

- Mikisumut innersuussutigineqarpoq: Aviaja M. N. Sinkbæk. Aviaja Mittarfeqarfimmi sulisuuvoq ukiullu arlallit siulersuisunut ilaasortaanikuulluni sulilu ilaasortaarussalluni. Ilaasortaanermi tunisilluartarpoq, kagaattuuvoq, pikkorrissoq kinguneqartussanillu isumaliulluarsinnaalluni.
- Esthermut innersuussutigineqarpoq: Birgitte Nissen Hansen. Birgitte Grønlandskbank-mi sulivoq, Estherimilu meeraateqarallarami angajoqqaatut sinniisaalluni, maanna Estherimi meeraateqanngilaq. Birgitte siulersuisuni suliassat nalunngilluarpai aammalu soqutigisaralugu Esther-mi sulianut tunngasut ineriartortinnissai, kiisalu siulersuisoqatigiinni siunnersueqatigisasaalluarluni.
- Sulunnguanut innersuussutigineqarpoq: Naja Lange. Naja maanna MI-mi psykoterapeut-itut sulivoq aammalu pædagog-tut ilinniagarluni. Najap nalunngilluarpai perorsaanermi taaguutit teorillu, taamaalilluni perorsaanermi suliassanut tunniussisinnaalluni siulersuisoqatiminullu siunnersueqatigisasaalluarluni.

### **Ingerlatsivimmit aningaasatigut sulisoqarnikkullu naliliinerit**

Pingaaruteqanngilaq.

### **Suliffeqarfimmut Kiffartuussivimmit aningaasatigut naliliineq**

Pingaaruteqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

### **Ilanngussat**

1. Meeqqerivik Estherp malittarisassai BH allannguutissatut siunnersuutitalit.
2. Malittarisassat tamanut atuuttut aamma Ingerlatsinermut isumaqatigiissutit. (Sulunnguit)
3. Mikisumi malittarisassat.

## **Punkt 4: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuerineqarpoq nal.:14:43.